

Рўзадор беҳуда амаллардан тийилмоғи ЛОЗИМ



08:00 / 21.04.2021 1823

أَلَا قَدْ مَلَ سَوْهَ لَعْلَعْلَى صَبَّ نَلَا نَعْ وَنَعُ لَلْ يَضْرَرَةٌ رِيَّ بَأْ نَعْ
مَوَايِقُ نَمُ هَلْ سَنِي لِمِئَاتٍ بَرَوُ عُوْجَلَا أَلِ مَوَايِ صُ نَمُ هَلْ سَنِي لِمِئَاتٍ بَر
مُكَاخَلَاوُ دَمَحَاوُ هَجَامُ نَبَاهَاوُ رَسَلَا أَلِ

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Баъзи рўзадорлар борки, уларга рўзаси учун очликдан ўзга нарса бўлмас. Баъзи тунда бедор бўлган борки, уларга бедорлиги учун уйқусизликдан ўзга нарса бўлмас», дедилар».

Ибн Можа, Аҳмад ва Ҳоким ривоят қилганлар.

Шарҳ: Баъзи бир кишилар рўзани тутиб олиб, тилини тиймай, ёлғон гапирадилар, ифво, бўҳтон, ғийбат қиладилар, турли ёмон ишлардан ўзларини тиймайдилар. Бундай кишилар рўзанинг фойдасидан, савобидан маҳрум бўладилар. Уларга рўза тутишдан фақат оч қолганлиги қолади, холос.

Шунинг учун ким рўзадан тўла манфаат олмоқчи, савобига тўлиқ эришмоқчи бўлса, ўзини таом ва шаробдан ташқари беҳуда, бўлмағур гап-сўз ва амаллардан тиймоғи лозим.

Шунингдек, баъзи бир кишилар тунда таҳажжуд намоз ўқийдилар. Кейин эса ўша ишлари билан мақтаниб, риёкорлик қиладилар, ёлғон гапириб, нолайиқ ишларга қўл урадилар. Ана шундай одамлар ҳам тунда бедор бўриб қилинган ибодатларга бериладиган савоблардан бебаҳра қоладилар.

Шунинг учун ҳар бир ибодатни иложи борича риёкорликдан қочиб қилмоғимиз керак.

«Ҳадис ва ҳаёт» китоби асосида тайёрланди